

INUIT ATAQATIGIIT INATSIARTUNI



UPA2022/94

8. Novemberi 2022

Kristian Jeremiassen

**Aalajangiiffigisassatut siunnersuut, Upernavimmi Uummannamilu, nunaqarfiillu eqqaaniittuni eqqaaveqarneq pillugu Naalackersuisut nalunaarusiussasut, nalunaarusiaq agguaanneqassaaq UKA2023-imi. Nalunaarummi erseqqissarneqarsimassaaq, eqqakkanik isumaginninneq qanoq allatut suliarneqarsinnaanersoq, ukiuni arlalippassuarni atasinnaasunik, kiassarnikkut inaallagiaqarnikkulluiluaqutaasinnaasunik sanaartussagaanni, qanorlu aningaasaqarnikkut kinguneqassanersoq
(Inatsisartunut ilaasortaq Aqqalu C. Jeremiassen, Atassut)**

Siullermeerneqarnera:

Inuiaqatingiinni avatangiisit pingaaruteqarput. Peqqinnartumik inuuneqassangutta aammalu inuiattut ingerlalluassangutta avatangiisit minguitut pisariaqartipparput. Oqaasiinnaassanngilaq pinngortitaq kusanartoq avatangiiserissangipput nammineq inuiaqatigiittut inuttullu ataasiakkaatut pisariaqartipparput akisussaassuseqarnissaq.

Illoqarfippassuarni nunaqarfippassuarnilu eqqaaveqarnikkut ajornartorsiutit piusut inuit Ataqatigiit ilisimaaraat. Iliuuseqarneq aamma ilisimaarivarput aallarnerneqartoq ESANE A/S aqqutigalugu suliassarpassuit unammillernartut aallarneneri siunissamilu ajornartorsiutip eqqaaveqarnikkut aallarniut, unammillernarpoq eqqaavissuit ulikkaartut terissanik niviungannik tipersuarmillu malitseqartut iliuuseqarfigissallugit annertuut.

INUIT ATAQATIGIIT INATSIARTUNI



Eqqaaveqarneq Kommune-it akisussaaffingivaat iliuuseqarfingisussaallungulu Inuit Ataqatigiit alloriarnertut pitsaasutut isigivarput eqqaaveqarneq pillugu nunaqarfinni illoqarfinnilu kommune-it suleqatigiillutik iliuuseqarnerat, ajornartorsiutillu annertuup terissanik niyuukkanik tipersuarmillu qaangiinarneq pisariaqarpoq Inuit Ataqatigiit upperivarput kommune-it suleqatigiillutik eqqaavilerinermut ingerlatsiviat ESANE A/S iliuusai siunissami pitsanngortitsiumaartut.

Inuit Ataqatigiit Naalakkersuisunut kaammattuutinginiarparput illoqarfinni nunaqarfinni eqqaavissuarni ikuallaanissamut qinnuteqaatit isumatusaartumik suliarylugit akuerineqartarnissaat, eqqaavissuimmi ima ulikkaartingipput eqqaavissuarmik ikuallaaqquusiunnaarnerup kinguneranik tippaannerinik terissat ajornartorsiutaanerannik taamatuttaaq niyuungassuarnik allanillu.

Tulukkut teriannissat naajat uumasullumi allat eqqaavissuarni ulikkaartuni ataatsimoortarput uumasoqatingiinnullu allanut akuleruttarlutik ajortumillu kinguneqarnis-saa nappaatinik soorunami pinngortitamillu mingutitsitsinermik siammarteri-sinnaapput. Taamaammat eqqaavissuit ulikkaarneri imaaajarniarnerilu annertuumik suliassaqaarnerata kinguneranik ikullaasarnissaq pisariaqarpoq suli ulikkaa-raluttuinnartussaammata assartuinernullu sularinerinullu aningaasartuutit annertusingaluttuinnartussaallutik.

Assersuusiulaariarta eqqangassat ima annertutingineri allaat 2021-imi kommune Qeqertalik qinnuteqarpoq ikuallaanissaminut helikopter-it tikinnissaanut eqqangassat amerlavallaarneri ulorianarneri miffissaminut ajornartorsiutaasarneranik unitsitsinissamik aarlerinartulik taassuma takutiinnarpaa ikuallaanissamik qinnuteqarsimaneq kommune Qeqertalimmiit kissaatingineqarsimasoq ikuallaasoqartariaqartorlu, sulilu amerliartorput taamaammat ikuallaanissaq

INUIT ATAQATIGIIT INATSIARTUNI



pisariaqarpoq piffinni amerlasuuni akisuumik tamarsuisa ESANE A/S aqqutigalugu ingerlannissaat pisariussaaq oqilisaataasumillu ikuallaasoqarnissaa pisariaqatoq Inuit Ataqatigiit isumaqarpugut.

Nukissiuutit mingutitsinngitsut atorlugit Inatsisissaa akuereqqammerparput oqaluuserisassat siuliini Inuit Ataqatigiit isumaqarput naapertorlugu isumassarsiatsialaavoq Qasigiannugit Aasianni aammalu utoqqarmiut kangerluarsunnguanni aningaasaliiniarneq pinngortitamut avatangiisinullu mingutitsinnginnerusumik suliat inuiaqatigiinnut pitsaasumik kinguneqartussaaq aningaasatingut pinngortitamullu.

Inuit Ataqatigiit erngup nukissiorfiliornissamut inatsisi-tigut sinaakkutissat saqqummiussaat pinngortitamut avatangiisinullu mingutitsitsinnginnerusussaaq pitsaasutut isigaarput.

Kommune-it nammineersinnaassuseqarnerat Inuit Ataqatigiit innimingilluinnarparput attattuarumallungulu. Inatsisartut sulinerat aammalu kommunalbestyrelse-it sulinerat immikkoorpoq immikkullu aaliangiisarput Avannaata kommunea ESANI A/S-mut ilaasortaaniarnani kommune-ip nammineq aaliangiingarivaa taamaammat eqqangassat pillugit iliuuseqarnissaaq kommune-ip akissusaaffiisa ataaniipput kommune-llu nammineerluni iliuuseqarnissaa Inuit Ataqatigiit ataqqillugu oqaatingerusupparput.

Malunginiarnarpoq Qeqertarsuup tunuani ikuallaavimmik pilersitsisoqarniannginnera, umiarsuat piffissamik sivirusumik atulluni aammalu mingutitsitsilluni avannaaniit qeqertarsuullu tunuanut umiarsuarmik assartuisoqartassaaq, inoqarfiit amerlanerpaat eqqarsaatigalugit sisimiunut ingerlasassaaq avannamut eqqangassanik aallerluni aallaruni piffissamik atuissaaq orsussamillu

INUIT ATAQATIGIIT INATSISARTUNI



mingutitsisumik atuilluni taamaattorli Qeqertarsuup tunuani inoqarfiusuni ikual-
laaveqarani illusiinnarmi eqqakkat ikuallannissaanut ingerlatsisoqassalluni ila
soorluuna pisariinnerussangaluartoq inoqarfiit akornanni Qeqertarsuup tunuani
tikikkuminarnerusumi ikuallaaveqartuuppat? Tamanna isumassarsiatsialaaner-
soq Naalakkersuisunut isummerfingeqquarput.

Allaffissornikkut nalunaarusianik annertunerusumik pilersitsiviussapput
eqqangassat pillugit nalunaarusiortitsiniarutta, eqqangassartaalu upernavimmi
uummannami nunaqarfiinilu iliuuseqarfinginangit allaffissornikkut annertusaa-
nginnassasungut Inuit Ataqatigiit isumaqarpugut. Ataqqivarput upperalugulu
kommune iliuusissamik peqartoq ajornartorsiutillu annertussusaa ilisimagaa
avannaatalu kommunea-ta tamanna ilungersuukkaa sulianillu qaleriaaraluni
iliuuseqannginnissaq pisariaqartoq Inuit Ataqatigiit isumaqarpugut.

Ilumut iliuuseqartoqartariaqarpoq uummannami upernavimmilu nunaqarfit-
taanilu eqqangassat pillugit tamannalu kommune-it tamarmik suleqatigiissu-
tigivaat iluallu kommune-it akornanni iliuuseqarfingineqassasoq upprivarput
sulianik iliuuseqarnerup takussutissaqartilereeramiuk ESANI A/S aqputigalugu
iliuuseqarneq. Taamaammatt Naalakkersuisut kaammattorpagut eqqangassat
ajornartorsiutaasut pillugit suleqatinginninnertik ingerlatiinnaqullugu kommune-
it akisussaaffii ataqqillugit arsaarnangillu.

Eqqangassat pillugit iliuuseqarnissaq Inuit Ataqatigiit kissaatigivaat
kissaatinginangulu nalunaarusiortoqassasoq kis-saatingalungulu eqqangassat
piffimmiittut iliuuseqarfingineqassasut kommune suliniutai aqputigalugit.
Taamaammatt siunnersuut itingartipparput.

Qujanaq.